



## वाटसन गुडमन टोळो कोअला

वाटसन गुडमन टोळो कोअला

दोरमिकते बूख एन पिही लागलाहाल पवित्र शास्त्रामाने देवा  
वोचनें मोदात कोअतेहें माअहूं त्या पापें सोडीन पश्चाताप ( म्हणजे  
पापा बोदाल खोरेमोने दूख कोईन देवा एहें वोळना ) कोअहे एन  
मालेक ईसु ख्रिस्ता या तारनारावोय मोनापाने बोरसो थोवेहे, तोवे  
मालेक सोता त्याल दोर्शन देहे एन बोरसो थोंवनारा मोनामांय त्या  
खुशी एन शांती देहे, ओहोडये खूश्ये एन शांत्ये माये सोता १९३७  
या बोरहामाय पारजाणो लेदो. एन तोवे पाने मांये मालका सुखी  
हांगात सोडीही नाय. तुमाहाल बी ओहोडये सुखी हांगात्ये फायदो  
मिळे एहेंकोय तुमे विचार ओरी ते तुमा त्या आमीज पागे लागे एन  
तुमे जिवन त्याल पुरों बेट कोआ.

-वाटसन गुडमन

देक आमाहांवोय त्या मोये पुरावो एहेकोय देहे का, आमा पापी आते तोवेज ख्रिस्त आमेहाटी मोअयो. — रोम ५ : ८

यिर्मया ३१ : ३

पोरमेहेरे आंख्या, आंय जीलामजुग्ये मोयेकोय तुयेवोय मोया कोअतो येनोहो याहाटी माये दोयेमोयेकोय तूल उंग्येहे लेददोहो.

योहान ३ : १६

देवे दुन्यावोय ओली मोया कोई का, त्येंय त्या योकलो योक पोहो देनो. याहाटी का, जो कादो त्यावोय बोरसो थोवी त्या नाश नाय ओए, पेन त्याल जोलामजुग्यां जीवन मिळी.

योहान १ : १, १४ अ

सुरवात्येल होबाद आतो एन होबाद देवापांय आतो एन होबाद देव आतो . एन तो होबाद माअहूं जायो एन त्यें आमाहामांय वोहोती कोअयी एन आमाहाय त्या मोठेपोणा देख्या...

मतय १ : २२, २३

ईं बादा याहाटी जाया का मालके बोविश्यावादया एहेंनें जी आखला आता ती पुरो ओअवां: ती ओहोडा का, देखा कुंवाच्येल डेड रोईन ती पोहाल जोन्मो दी. एन त्याल इम्मानुएल आखी या नांवा आर्थो "आमे आरे देव हेय" एहेंकोय हेय:

# देवा पोहो ईसू

३

योहान ४ : १५

ईसू देवा पोहो हेय, एहेकोय जो कादो कोबूल कोअहे त्यामाय देव रोहे एन तो देवामाय रोहे.

कलस्से २ : ९

काहाका (ईसू) ख्रिस्तामांयज देवा पोणा बादीं पूर्णता मांअहां रुपाकोय रोहे.

येशाया ९ : ६

काहाका आमेहाटी बाळ जोन्मालो हेय आमाहान पोहो देनलो हेय, त्या खांदावोय ओदिकार रोई. त्याल नोवाये सल्ला देनारो, गोतीवान देव, जोलामजुग्यो आबोहो, शांत्ये राजा, आखी.

## ईसूय सोता: आंय कूं हेय, ई आख्या

योहान ६ : ३५, ३६

ईसूय त्याहांल आख्या, आंयज जिजना बाखे हेय; जो मायेंपाय येहे त्याल कोदिही बी बूख लागनारी नांय एन जो मायेवोय ईमान थोवेहे त्याल कोदिही बी पिही लागनारी नांय. पेन तुमाहाय मान देख्याहा तेबी इमान थोवेत नाय एहेंकोय माये तुमाहाल आख्याहां.

ईसूय त्याहाल आख्यां आंय तुमाहाल नोक्की आखूहं, आब्राहाम जायो त्या आगलाऱ्यो आंय हेय. — योहान ८ : ५८

योहान ११ : २५

ईसूय आख्या, पासो उठना एन जिवन आंय हेय, जो मांयेवोय बोसो थोवेहे तो मोई गोयलो रोई तेरी तो जिवी.

# ईसूय कोअल्यो कांय नोवाये गोठी

५

लूक ५ : ४-६

त्या बोलना पारवाच्यों तोवे त्यें शिमोनाल आख्या, उंडापा-  
अयांमाय जां दा एन मासें दोराहाटी तुमे जाळें निचे सोडा. शिमोने  
त्याहांल आख्यां, गुरुजी आमा आखी रात खोटपोट कोईन कायज  
दोअयाहा नांय तेरी तो आखल्यावोने जाळां सोडुहूं. पासे त्याहांय  
तेहें कोअयावोय मासाहा मोठो टोळो जाळामांय सापडयो. एन  
त्याहा जाळां फाटां लाग्या.

मतय २० : ३४

तोवे ईसूल त्या दोया येनी एन त्यें त्या डोळहाल आथ लाव्यो.  
तोवे त्याल ताबाडतोड देखा लाग्या. एन त्या त्या पाहला चाल्या.

६ ईसू ख्रिस्त ओ उबजाडनारो एन मालेक हेय

इब्री १ : २

तो या काळा शेवाटल्या दिहाहामाय आपे आरे पोहाकोय  
दोललो हेय. त्यें त्याल बादये गोठयेहे वारीस कोई थोव्याहां.  
एन त्येंकोय त्यें दुन्या उबजाडयाहा.

त्याकोय बादां जायाहां एन जायां ओहोडां त्यावाची कायज  
जायाहा नाय. —योहान १ : ३

प्रेशीत २ : ३६

याहाटी इसराएलाहा बादा कुळांहाय ई दियान देयन मोन  
लातीन वोनाय लेवा का, ज्या ईसूल तुमाहांय फासीखांबावोय खिला  
ठोकीन माअयेल त्याल देवें मालेक एन ख्रिस्त कोई थोव्योहो.



# ईसू ख्रिस्त ओ बादाहा न्यायदीश हेय

७

रोम १४ : १०

तर तूं आपे बाहाल दोशी काहा ठोरावतोहो किंवा आपे बाहाल निचो काहा मानतोहो आपां बादा ख्रिस्ता न्याय गादयेहुंबूर उबा रोनारा हेय .

प्रेशीत १० : ४२

एन त्येंय आमाहाल ओहोडो उकूम देतो का, लोकाहाल ई हारी बातमी आखा एन ओहोडी साकसी दा का जिवताहा एन मोअलाहा जो न्याय कोअनारो ज्याल देवे नेम्योहो तो ओज हेये .

आबोहो कादा न्याय कोए नाय तर न्याय कोअना काम त्येंय पोहाएहें होपी देनला हेय . — योहान ५ : २२

# ८ तारण फोकात ईसू ख्रिस्तेकोय ओअहे

इबरी ७ : २५

याहाटी जें त्याएसेने देवापाय जातेहे त्याहांल तो पुरेपुरो तारांहाटी गोतीवान हेय काहाका तो त्याहाहाटी रोदबोदली कोरां सश जिवतो हेय .

योहान १४ । ६

ईसूय त्याहाल आख्यां, मारग, खोरेपोणा एन जिवन आंयज हेय; मायएसेने येयावाची आबाहापांय कादां जाय नाय .

तारण बिहीरा कादापाने नाय हेय; काहाका ज्यापाने तारण ओरी ओहोडां बिहीरां कोअहाज नांव जुगाबुंदल्या माअहांमाय देनाहां नांय . — प्रेशीत ४ : १२

तीत २ : १४

त्येंय सोताल आपेहाटी देनों याहाटी का, त्यें किमत देयन आपाहाल बादा पापाहापानें सुटका कोअवा एन हारा कामामाय तियार कोईन त्या सोता लोक एहेकोय त्याहाटी चोकसाकोई थोववां.

कससे १ : १२-१४

त्येंय आपाहाल उजाळामान्या पवित्र लोकाहा वोतना बागीदार ओराजोग कोअयाहा त्या आबाहा उपकारा आठवण कोअवां. त्येंय आपाहाल आंदरा ओदिकारामाने काडीन त्या लाडका पोहा राजामाय आय थोव्याहा. त्या पोहामाय आपाहाल सुटका म्हणजे आपे पापाहा माफी मिळली हेय .

१०

## ईसू ख्रिस्ता लोयेंकोय पापाहा माफी

इफिस १ : ७

त्यामाय त्या लोयेंकोय आमाहाल तारण म्हणजे पापाहा माफी मिळीही.

१ योहान १ : ७

त्या पोहो ईसू ख्रिस्त या रोगात आपाहाल बादा पापाहापानें चोखा कोअहे.

रोम ५ : ९

तेर आमी त्या रोगतेकोय चोखा ठोरवामांय येनाहा त्याह टी आपां जास्तीकोय देवा खूब रोगेपाने सुटीन तारला जानारा हेय.

१ योहान ५ : ४

काहाका जी काय देवापाने जोन्माला हेय ती दुन्यावोय जय मिळवेहे. एन ज्येंय दुन्यावोय जय मिळाव्याहा तो ओत्र आमे बोरसो हेय.

इफिस २ : ८-९

तुमे तारण दोयेकोयज बोरसा एहेंनें जायलां हेय एन ई तुमे आथेकोय जायाहा नाय तर ई देवा दान हेय. कादे ओबिमान दोअवा नाय त्याहाटी कामे कोअलेकोय ई जायाहां नाय.

यावोने त्याहांय त्याल आख्या, देवा कामे आमे आथेकोय ओअवा याहाटी आमाहाय काय कोअवा ? ईसूय त्याहाल जाबाव देना, देवा काम ईज हेय का, ज्याल त्येंय दोवाडयोहो त्यावोय तुभाहाय बोरसो थोववां. — योहान ६ : २८-२९

तीत ३ : ५

आपाहांय कोअला हारा कामाहाकोय नाय तर नोवा जोन्मा  
आंगाळना एन चोखा आत्माकोय नोवां कोअना येकोय त्येंय त्या  
दोयेकोय आपाहाल तान्या .

गीत १०३ : ११

जेहेंकोय दोरत्ये उपे जूग जोलो उचे हेय तेहेंकोय तोली त्या  
दोग्या त्या दाक दोअनाराहांवोय खूब हेय .

गीत १०३ : १७

पेन पोरमेहेरा दोग्या त्या दाक दोअनाराहावोय जोलामजूग  
रोहे. एन त्या चोखेपोणा आनुबोव त्या त्या पोरसोराहाल मिळेहे .

मतय ११ : २८

एन ज्या तुमा दुखी एन योजो थोवला हेय त्या तुमा बादा मांपाय या, म्हणजे आंय तुमाहाल आराम दिही.

वेशाया ५५ : १

ओ प्याहा जायलांहाय तुमा बादें मोठा पाअयांएसे या. ज्या तुमाहापांय पोयशा नाय ओरी त्यें तुमा सोवदो कोआ. खा, या. पोयशाहावाची एन किमतेवाची दाराखाहा रोहा एन दुदा सोवदो कोआ.

पोरमेहेर देव आखेहे, चाला या, आपा थोक बिहीरा आरे विचार कोअता; तुमे पापे जर लाखे रोके लाल ओरी तेरी त्यें बोर्फी रोके उजळे ओरी त्यें किरमीजी रोके रातें ओरी तेरी त्यें उजळा मेंडा बुरा रोके उजळे ओरी. — येशया १ : १८

१ योहान ३ : १०

यावोने देवा पोहे एन काळयावुता पोहें खोरे वोळखतिहें. जो कादो चोखापोणाकौय वागे नाय तो देवा नाय. एन जो आपे बाहावोय मोया कोयए नाय तो बी नाय.

जोलाहाल देवा आत्मा चालाडेहे त्या देवा पोहें हेता काहाका पासां दाक दोए ओहोडो गुलामगिन्ये आत्मा तुमाहाल मिळयोहो नाय. ज्येंकोय आपा आब्बा, बापा, एहेंकोय हात कोअजेहे ओहोडो बाळाकबेटा आत्मा मिळलो हेय. — रोम ८ : १४, १५

योहान १ : १२

जोलाहाय त्याल मानी लेदाहा तोलाहाल, म्हणजे त्या नांवावोय बोरसो थोवनाराहाल त्यें देवा पोहे ओअना ओदिकार देनोहाँ.



# होरो पिअना बोदाल देवे काय आखला हेय

१५

गलती ५ : १९-२१

आंगा कामे तर देखाते हेतें. त्यें एहेकोय हेते खांरावपोण, लोबी मोन, मुरत्ये पुजा, डाकणे, दुश्मानी, जुलानो, मोनामाय विरुदपोणा राखी रोयना, रोग, विरोद, फुटीपाडनारा पक्सबेद, एवो, दारुबाजी, रोंगडोंग कोअनो एन ओहोडयो बिहीच्यो गोठयी याहा बोदाल जी माये आगला आखी थोवला आता. ती आमी आखी थोवुहू का ओहोडें कामे कोअनाराहाल देवराजा वीतन मिळनारा नाय.

येशाया ५ : ११

ज्या जुंजडया उठीन होरो पियां पाहला लागताहा ज्या आरदये रातेहुदूं होरो पीयन दूंद ओअताहा त्याहाल दिक्कार ओए.

# १६ मोन हारो थोवनों विचार ओला पुरा नाय

मारक १० : १७-२२

जोवे ईसू जा निग्यो तोवे योक माअहूं दांवदी येयन पागे पोडीन त्याल होदया, हारा गुरुजी, जोलमजुग्या जिवना वोतनाहाटी माये काय कोअवा ? ईसूय त्याल आख्या, आंय हारो हेय ई केहेकोय तूल मालूम ? योक जो देव त्या वाची कादोज हारो नांय. तूल देवा उकूम मालूम हेता का ? खून कोअहे मा, सिनाळी कोअहे मा, चोरी कोअहे मां, खोटी साकसी देहे मां ठोगाडेहे मा, आपे आबाहा एन आयहे मानपान राख. त्यें ईसुल जोबाव देनो, गुरुजी, या उकूम ते आंय हानेनेज पाळतो येनोहो. तोवे ईसूय त्याएहे एईन त्यावोय मोया कोईन त्याल आख्या, तुयेमांम योक गोठ कोमी हेय. जो एन जी तो ओरी नाय ओरी ती बादा वेचीन गोरगोरीबाहाल वाटी दे पासे तूल होरगामाम दोन

मिळी एन चाल मां मारे ये. ई वोनायन त्या चेंअरो उती गोयो एन तो तुखी ओईन निगी गोयो काहाका त्या खूब दोनदौलात आती.

## ठोगायाहा मां

१७

१ कोरीथ ६ : ९-१०

पापी माअहाल देवा राजा वोतन मिळणारा नाय ई तुमाहाल मालूम नाय का ? ठोगायाहा मां, सिनाळी कोअनां, मुरतिहे पागे पोडना, सिनाळ, मोजा कोअनारा, ओदमी ओदम्याहां आरे हुवनारा, चोर, लोबाडी, होरो पिनारा, चुगल्यो कोअनारा, लाच खानारा याहाल देवा राजा वोतन मिळणारा नाय.

## पापेंकोय मोत येहे

रोम ५ : १२

ये रिते योका माअहाकोय पाप दुन्यांमाय येना. एन पापेकोय मोरण येना. एन बादाहांय पाप कोअयावोने बादा माअहामांय मोरण फेलाया.

याकोब १ : १५

त्या खाराब विचार, खाराब कामामांय लेय जाताहा. पासे देवापाने मोरणा सिकसा मिळेहे.

लूक १५ : ३२

खुशी ओअना एन सोण पाळना ई हारो हेय. काहाका ओ तो बाहा मोई गोयलो आतो तो जिवतो जायलो हेय टाकालो आतो तो सापडलो हेय.

उलगाओ (प्रगटी) १ : १८

आंय मोअलो आतो तेरी देखा ओलामजूग जिवतो हेय मोरणा  
पन आग्नेदोः ॥ किलयो मायेपाय हेत्यो.

योहान ११ : ४३-४४

एहेंकोय बोलीन त्यें मोठे हात कोईन आख्या, लाजारा,  
बाआ ये. तोवे मोई गोयलो तो इसम बाआ येनो त्या आथपाग  
मोअलाहाल बांदना फाडकाहाकोय बांदला एन मूंय रुमालेकोय  
चोंडाळला आता. ईसूय त्याहाल आख्या, याल सुटा कोईन  
जा दा.

निगवा (निगंम) २० : ३-१७

मायेवाची बिहीरा देव कोअहे मा. तो हाटी गोडले मुरते कोअहे मां. उचे जुगामाने निचे दोरत्येवोने एन दोरत्ये तोळे पाअयामाने कोहोडा बी मुरते कोअहे मां. त्याहा पागे पोडेहे मां. त्याहा सेवा चाकरी कोअहे मां तो देव पोरमेहेर या नांव ओहोडोंज लेहे मां काहाका जो कादो पोरमेहेरा नांव ओहोडांज ली त्या तो पारवा कोअनारो नांय. शाबाथ दिही ईत कोईन तो चोखो पाळवा सोव दिही मेनात कोई तो बादा कामकाज कोओ पेन ह तवे दिही पोरमेहेर तो देव या शाबाथ हेय.

तो देव पोरमेहेर ये तूल उकूम कोअयोहो त्या पुरमाणे तो आबाहा एन तो आयेहे याहा मान राख .

खून कोअहे मां.

सिनाळी कोअहे मां.

चोरी कोअहे मां.

तो शेजाऱ्या विरुद्ध खोटी साकसी देहे मा .

तो शेजाऱ्या थेये लोब दोअहे मा . तो शेजाऱ्या गोआं लोब दोअहे मा; त्या रात, दास, दासी, बोईल, फुरक्या किंवा तो शेजाऱ्या कोअहीबी गोठये लोब दोअहे मा .

निती १५ : ३

पोरमेहेरा डोळा बाद ठिकाणें हेता त्या हारां माठां एअताहा

इयोब ३४ । २१-२२

काहाका देवा नोजार बादाहा वागनां एअहे त्याल चालना डोंगनेडोंग तो एअहे. खोटा कोअनारां ज्यामाय दोबी रोई ओहोडा मोठां आंदारा नाय.

मारक ४ : २२

खोबार नाय पोडे ओहोडों काय दोबांन नाय एन उगाडो ओअनारो नाय ओहोडा काय डाकालां नाय.



गीत ९ . १७

देवाल विहीरानारा बादा देश म्हणजे पापी आग्ये दोऱ्या-  
मांय जाय.

मतय २५ : ४६

त्या ते जोलामजुग्यो डोंड बोंगवां जाय दोरमीक लोक जोलाम-  
जुग्या जिवन बोंगवां जाय.

मलय १३ : ४१-४२

माअहां पोहो त्या देवदुतहाल दावांडी एन त्या बादा ओटका-  
वनाराहाल एन पाप कौअनाराहाल त्या राजामाने टोळो कोईन  
त्याहाल आग्ये बाठयेमाय टाकी ता रोडना एन दात कौकडाना चाली.

प्रेशीत १७ : ३१

काहाका त्यें ओहोडो योकदिही नेम्यो का त्यामाय तो नेमला  
माअहां एसेने खोच्ये रिते बादादुन्या न्यायनिवाडो कोअतायो हेय.  
या बोदाल त्यें त्याल मोरणामाने उठाडी बादाहाल खातरी  
कोई देनीही.

रोम १४ १२

तर पासें दोरेक जाआं सोता इसाब देवाल दी.

२ पेत्र २ : ९

मालेक (ईसूल) सोती लोकाहाल पारखेपाने केहेंकोय बोचावनां  
ई त्याल मालूम हेय.

# ईसू ख्रिस्ता दोग्या

२५

प्रेशीत ४ : ३३

प्रेशीत मोठये गोत्येकोय मालेक ईसू मोरणामाने उठयो त्या पुरावो देत एन देवा त्या बादाहावोय मोठी दोग्या आतो.

१ पेत्र ५ : ५ ब

देव बोडाय्या कोअनाराहा विरुद कोअहे, पेन गोरीब मोना रोनाराहांवोय दोग्या कोअहे

राम ९ : १६

ई तर मोरजी कोअनाराहा एहे नाय एन दांव देनाराहा एहेबी नाय, तर दोग्या कोअनारो देव या एहेनें हेय.

प्रेशीत ३ : १९

याहाटी मोनापाने दूख कोआ एन देवापांय या, याहाटी का, तुमें पापे दोवी टाकी, पासा फिरा याहाटी का विहावना वेळ मालकापाने येवी.

लूक १३ : ३

आंय तुमाहाल आखूह, एहेकोय नाय तेरी पेन तुमा मोनापाने दूख नाय कोअहा तर त्या पुरमाणे तुमे नाश ओरी.

प्रेशीत १७ : ३०

त्या काळामाय माअहं बोळो आता त्याहटी देवें दियान देनो नाय पेन आमी बादाहाय खाराब काम सोडीन देवा एहे वोळवा. ओहोडो उकूम देवे देनोहो.

# पापाहा माफी

२७

मलय ६ : १४

जर तुमा माअहां गुनाहा माफी कोअताहा तर तुमे होरगा-  
मान्यो ओबोहो तुमे माफी कोरी.

उचगाओ (प्रगटी) ३ : २०

देखा, आंय बाआपांय उबो हेय एन ठोकतुहू जोर कादो मा  
बोली वोनायन बांआ उगाडी तर आंय त्यापांय माज जाहीं एन त्या  
थारे खाही एन तो मा आरे खाई.

पापी त्या मारग सोडे, पापी आपे खाराब विचार सोडे एन  
पोरमेहेरा एसे वोळे म्हणजे तो त्यावोय दोहा कोरी. तो आमे देवा  
एसे वोळे काहाका तो त्याल बोरपूर माफी कोरी. — येशाया ५५ : ७

## दुन्या गोठयेहे पाने जुदा रोववा

१ योहान २ : १५-१६

दुन्यावोय एन दुन्या गोठयेहेवोय मोया कोअहा मा. जर कादो दुन्यावोय मोया कोअहे तर त्यामांय आवाहा मोया नाय.

कलसे ३ : २

उचल्ये गोठयेहे एसे मोन लावा दोरत्ये वोअने गोठयेएसे लावाहा मां.

येशाया १ : १६

तुमा तुमाहाल दोवा, तुमाहाल साफ कोआ, तुमे वागणूके खाराबपोण मां डोळाहा हुंवरने दूर कोआ, खाराब कोअना सोडा.

येहेजकेल ३६ : २६

आंय तुमाहाल नोवो मोन देयन नोवो आत्मा गालीही.  
तुमे आंगामाने दोगडारोला मोन काडी टाकीन तुमाहाल नोराम  
मोन दिही.

१ योहान ५ : १८

जो कादो देवापाने जोन्मलो हेय तो पाप कोई नाय ई आपा-  
हाल मालूम हेय; जो देवापाने जोन्मलो हेय त्याल देव सांबाळ्हेहे  
एन काळयोबूत त्याल आथलावे नांय.

योहान ३ : ३

ईसुय त्याल आख्या, आंय तूल नोक्को आखुहं नोवो जोन्मो  
ओअयावाची कादाल बी देवाराज एअता येय नांय.

## ३० पापाल मोअला पेन ख्रिस्तामांय जिवता

कलसे ३ : १

याहाटी तुमां ख्रिस्त आरे जर उठाडला गोयाहा तर ख्रिस्त जा देवा जेवी बाजू बोठलो हेय ताल्यो उचल्यो गोठी मिळवा खोटपोट कोआ.

गलती ५ : २४

ज्या ख्रिस्त ईसू माय हेता त्याहांय त्याहा आंगा बादा खाराब विचार एन खारार भोरजी फासी खांबावोय खिला ठोकीन माई टाक्याहां.

रोम ६ : २ एन ११

ज्या आपां पापाल मोअयाहा त्या आपां या आगला त्यामांय रोववां ई केहें काय ! तेंहेकोय तूमा बी सोता पापाल मोअला एन ख्रिस्त ईसुमाय देवाल जिवता जायला एहेंकोय माना.



# जोलामजुग्या जिवन

३१

रोम ६ : २३

पापा मोजरी मोत हेय, पेन देवा मांये दान आपे मालेक ईसू  
ख्रिस्तामाय जोलामजुग्या जिवन हेय

योहान ५ : २४

आंय तुमाहाल नोक्की आखुहं, जो मा वोचेन वोनायेहे एन ज्ये  
मान दोवाडयोहो त्यावोय बोरसो थोवेहे त्याल जोलामजुग्या जिवन  
मिळला हेय. एन त्यावोय त्याय ओअना वेळ येनारी नांय. तो  
मोरणामाने जिवनामाय त्येंपार योयोहो.

जोलामजुग्या जिवन ईज हेय का, त्याहांय जो तूं योकूज  
खोरो देव त्या तुल एन ज्याल तुयें दोवाडयोहो त्या ईसू  
ख्रिस्ताल वोळाखवा. — योहान १७ : ३

योहान १४ : २१

ज्यापांय मां उकूम हेता एन त्या जो पाळेहे तोज मायेवोय मोया कोअनारो हेह एन जो मांयेवोय मोया कोअहे त्यावोय मां आबोहो मोया कोरी. आंय बी त्यावोय मोया कोअही. एन सोता त्याल देखायीही.

येशाया ३२ : १७

चोखापोणा फायदो शांती एन त्यें फोळ आराम एन वोगार दाकें ओरी.

१ योहान ३ : १८, १९, २०

पोहाहांय, आपे होबदाहाकोय किंवा जिबेकोय नांय तर आलचालेकोय एन खोरे पोणेकोय आपाहांय मोया कोअवी आपा खोरेपोणा हेजे ई यावोने आपाहाल होमजी. आपा सोता मोनाल त्या हुबूर इमात दोऊ.

गलती २ : २०

आय ख्रिस्ता आरे फासी खांबावोय खिळलो हेय, एन आय जिवूह एहेकोय नाय पेन ख्रिस्त मायेंमाय जिवेहे एन आमी आंगामाय जी मा जिवन हेय ती बोरसेकोय हेय ज्या देवा पोहे मायेंवोय मोया कोअयी सोताल माहाटी देनो त्यावोअने बोरसेकोय ती हेय .

योहान १५ : ११

मा खुशी तुमाहामांय रोई एन तुमे खुशी ओई याहाटी माये तुमाहांल यो गोठी आख्यो .

जिवना मारग तूं मान देखाडेहे, ती हांगातेमाय खुशी पुरी ओअहे तो उजवा आथामांय सुखें जोलामजूग हेते . — गीत १६ : ११

२ थेंस १ : ७-१०

मालेक ईसू त्या गोतीवान दूताहा आरे होरगामाने बोळल्ये आग्नेमांय देखातो ओहोडो जोवे यी. तोवे ज्या देवाल ओळखेत नाय. एन आपे मालेक ईसू ख्रिस्ता हारी बातमी ज्या मानेत नाय त्याहा तो सुडाली. तोवे त्या मालका हुंबूरने एन त्या गोत्ये मानापानापाने दूर ओईन जोलामजूग्यो नाश ओ डोंड त्याहाल मिळी.

१ शमुवेल १२ : १५

पेन जर तुमा पोरमेहेरा बोली नाय वीनायन त्या उकूमा विरुद चालाहा तर पोरमेहेरा आथ जेहंकोय तुमे बोडवोडलाहा विरुद आतो तेहेंकोय दुमे बी विरुद तो ओरी.

रोम १० : ९-१०

जर तूं आपे मुयेंकोय ईसू ओ मालेक हेय एहेंकोय मानी लेहे एन देवें त्याल मोअला माने जिवतो कोअयोहो एहेंकोय तो मोनामाय बोरसो दोअहे तर तूल तारण मिळी. दोरमीक पोणाहाटी बोरसो दोअना मोनेकोय ओअहे. तारण मानी लेयनों मुयेकोय ओअहे.

मतय १० : ३२, ३३

जो कादो माअहां हुंबूर मान मानी ली. त्याल आय बी मां होरगामान्या आबाहा हुंबूर मानी लिही. पेन जो कादो माअहां हुंबूर माल नाकारी त्याल आय बी मां होरगामान्या आबाहा हुंबूर नाकारीही.

इफिस ६ : ११

काळयाबूता खाराब ओकाल चालाडना आगला टिकी रा हाटी तुमा गोतीवान रा हाटी लोडाये बादे आध्यारे ला.

मतय ४ : १०, ११

तोवे काळयाबूता एसेने ईसू पारेख ओअवां याहाटी आत्मा त्याल डोगामांय लेय गोयो...तोवे ईसूय त्याल आख्यां ओ काळयाबूता निघी जो काहाका मालेक तो देव या योकाज बोकती कोओ एन त्याज सेवा कोओ एहेंकोय लिखला हेय. पासे काळयोवूत त्याल सोडी गोयो एन देवदूताहांय त्या सेवा कोअयी.

१ योहान ३ : ८

जो पाप कोअहे तो काळयाबूता पाने हेय . काहाका काळयोबूत सुखात्येपाने पाप कोअतो येनोहो . काळयाबूता कामाहा नाश कोअवा त्याहाटी देवा पोहो येनोहो .

१ थेस २ : ८

पासे तो पापा ओदमी देखायी त्याल मालेक ईसू त्या मुयामांने वारेकोयज माय टाकी एन मालेक ईसू येताज त्या दोर्शनेकोय त्या नाश कोरी .

याहाटी देवा ताबामाय रोआ काळयाबूता विरुद आडवा ओआ, म्हणजे तो तुमाहांपाने नाही पोडी . देवापाही या म्हणजे तो तुमे पाही यी . — याकोब ४ : ७-८ अ

योहान १३ : ३५

तुमे योक बिहीरावोय मोया रोई म्हणजे त्यावोने बांदे वोळखी का तुमा मां चेला हेता.

गलती ५ : २२, २३ अ

आत्मा गोत्येकोय मिळनारा फोळ, मोया, खुशी, शांती, बोरसो, दोया, हारांपोणा, हाआवना, गोरीब मोन, मीना, ताहो ई हेय

आंय देवावोय मोया कोअहूं एहेकोय आखीन जो कादो त्या बाहा एवो कोअहे तो लोबाड हेय. काहाका त्या बाहाल देखेये तेरी जो मोया कोए नाय त्यें नाय देखला देवावोय मोमा कोअता येय नाय. — १ योहान ४ : २०



मारक १६ : ९

आठवडा पोयले दिही हाकाळेहेज तो उठयो पासे ज्यें मागदाले मरीये माने हात बुतडे काडले त्येल तो पोयलो देखायो.

एन त्यें येहुदिया देशामाय एन येरुशलेम सेअरामाय जी काय कोअया न्या बादा बोदाल साकसी आमा हेय. त्याहाय त्याल फासी खांबावोय टांगी माअया पेन देवे त्याल तिसरे दिही पासो जिवतो उठाडयो एन तो नोजरे पोडे एहेंकोय कोअयां. तेरी ई नोजरे पोडना बादा लोकहाल नांय पेन ज्या साकसीदार देवें पोयला निवाडला आता, त्या आमाहाल, तो देखायो. पासे तो मोरणामानें उठयो तोवे आमाहाय त्या आरे खादा पिदां. — प्रेशीत १० : ३९-४१

## ४० ख्रिस्ता पासो उठना ई आमे मोठी आशा

योहान ५ : २५

आय तुमाहाल नोक्की आखुहू का, ओहोडी वेळ येय रोही एन आमी येयज गोयीही का त्येंमाय मोअला लोक देवा पोहा बोली वीनायी एन ज्या वीनायी त्या जिवता ओरी.

मतय १६ : २१

तोवेपाने ईसू ख्रिस्त त्या चेलाहाल आखतो लाग्यो का, मांय येरुशलेमामांय जायन वोडील, मोठो याजेक एन शास्त्री याहा एहेने खूब दुखें बोगवा एन जिवलेवामाप येवो एन तिसरे दिही पासो उठवा या जोहरी हेय.

मतय ३ : ११

आंय पाअयेकोय तुमे बाप्तिस्मा मोनापाने दूख कोई पाप सोडा हाटी कोअहूं. पेन जो मां पासलाने येहे तों माये कोअता गोतीवान हेय. त्या वाआणे लेयन चालाहाटी मां लायकी नाय. तो चोखा आत्मेकोय एन आग्नेकोय तुमे बाप्तिस्मा कोरी.

लुक १ : ७४, ७५

ती ओहोडी का, तुमा तुमे दुस्माना आथामाने सुटीन त्या हुंबूर चोखयेपोणेकोय एन दोरमीक तेहैंकोय जिदगीबोय त्या सेवा बिनदाके कोअहा एहेंकोय आंय कोअही.

प्रेशीत १ : ८

पेन पेवा चोखो आत्मा तुमे उपे यी तोवे तुमाहाल गोती  
मिळी ... तुमा मां पुरावो ओअहा.

प्रेशित ४ : ३१

जोवे त्याहा प्रार्थना पावायी तोवे तो जागो आल्यो एन त्या  
देवा चोखे आत्मेंकोय पुरा ओईन इमातेकोय देवा वोचेन  
बोलता लाग्या.

आंय तुमाहामाय मां आत्मा गालीही तुमा मां नियमाहाकोय  
चालाहा मां उकूम पाळीन त्या पुरमाणें चालाहा एहेंकोय आंय  
कोअही. — येहेजकेल ३६ : २७

गीत ३४ : १८

पोरमेहेर फुटला मोना माअहां पाही रोहे. पापा बोदाल दूख  
कोईन वोळनारा माअहां तो तारण कोअहे.

गीत ३७ : ३

पोरमेहेरावोय बोरसो थोव एन हारो ती कोओ देशामाय  
वोहोती कोओ खोरे पोणाकोय चाल.

पोरमेहेर आखेहे, यो बादयो गोगी मांज आथे कोय उज-  
बाडल्यो हेत्तो. त्यो बादयो एहेकोय जायल्यो हेत्यो पेन जो गोरीब  
एन फुटला मोना हेय एन बोजनें वोनायन थोरोर कापेहे त्याएसे  
आंय एअहूं. — येशाया ६६ : २

गीत ३४ : १९

दोरमीक माअहाल खूब दुखे ओअतेहें तेरी पोरमेहेर त्या  
बादाहामाने त्याल सोडवेहे.

रोम १९ : २०

शांत्ये देव काळयाब्रुताल तुमे पागा निचे माहार चेंदी.

१ कोरींथ १० : १३

पेन देव बोरसेदार हेय तो तुमे पारेख सहन कोअनां गोत्ये  
आगला जा देनारो नांय. तर पारखे आरे त्येमानें सुटां उपाय बी  
तो कोरी, याहाटी का तुमा ती सहन कोरांहाटी गोतीवान ओंअवां.

## जीत मिळवानाराहांल वोचनें

४५

उलगाओ ( प्रगटी ) ३ : ५

जो जीत मिळवेहे तो ये रितेकोय खूब उजळे पोवले रोई. आंय जिबना चोपडये माने त्या नांव खोडी टाकनारो नाय एन मां आबाहा आगला एन त्या दुताहा आगला आंय त्या नांव आवकार कोअही. ( मानीही ).

उलगाओ ( प्रगटी ) २१ : ७

जो जीत मिळवेहे त्याल यो गोठी वारसे कोय वोतेन मिळी. आंय त्या देव ओअही एन तो मा पोहो ओरी.

जो जीत मिळवेहे त्याला आंय मां राज गादयेवोय मां पाही बोहा दिही. माये बी तेहेंकोय जीत मिळवीन मां आबाहा पाही त्या राजगादयेवोय बोठोहो. — उलगाओ ( प्रगटी ) ३ : २१

मतय ५ : ३२

जो कादो आपे थेए सिनाळये कारणा वाची सोडेहे तो त्येल सिनाळी कोरां लावेहे. एन जो कादो ओहोडये टाकल्ये थेअये आरे वोराड कोअहे तो बी सिनाळी कोअहे.

लूक १६ : १८

जो कादो आपे थेए टाकीन बिहीन्ये आरे वोराड कोअहे तो सिनाळी कोअहे. एन माटये टाकल्ये थेअये आरे जो वोराड कोअहे तो बी सिनाळी कोअहे.



मतय २४ : ३०

तोवे माअहां पोहा निसाणी जुगामांय देखायी. पासे दोरत्ये वोया बादे जात्या लोक दुख कोरी. त्या माअहा पोहाल जुगामान्या वादळावोय बोहीन मोठये गोत्येकोय एन मोठा मानपानाकोय येतो देखी.

योंहान १४ : ३

एन मालेक ईसू ख्रिस्ते आख्या तुमे हाटी जागो तियार कोईन आंय पासो यिही एन तुमाहाल माये पांय लिही. याहाटी का, जा आय हेय तां तुमाहाय बी रोववां.

उलगाओ ( प्रगटी ) ३ : ११

आंय माहार याहु कादो तुमे मुगूट लेय नांय त्याहाटी जी तो हेय ती पाको दोई रो.

मतय १६ : २७

माअहां पोहो त्या आबाहा मानेपानेकोय त्या दूतांहा आरे यी  
त्यें वेळे तो योकायोकाल ज्या त्या कामा पुरमाणे बोकसीस दी.

लूक १२ : ४०

तुमा बी तियार रोआ काहाका तुमाहाल मालुम नांय त्यें वेळे  
माअहां पोहो यी.

१ योहान ३ : २

जोवे तो पासो येहे तोवे आपां त्या रोके ओअहू ई आपाहाल  
मालूम हेय. काहाका जेहेंकोय तो हेय तेहेंकोय आपाहाल तो  
देखायी.

वेदाङ्ग

तो वोचेन मां डोंगाहा हाटी दिवो एन मा मारगावोय  
उजवाडां हेय. — गीत ११९ : १०५

लूक २१ : ३३

जूग एन दोरती डोळी जाय, पेन मां वोचने कोंयदिही डोळ-  
नारेंज नांय.

गीत ११९ : ११

माये तो विरूद पाप कोअवा नाय याहाटी माये मां मोनामाय  
तो वोचेन जोपी थोव्याहां.

दोरेक देवा विचारेक्रोय तियार कोअलो शास्त्रालेख हारो बोद,  
दोस देखाडनां, सुदारणा कोअनां, हारां वागनां सिकसाण याहाटी  
उपयोगी हेय. — २ तिमथी ३ : १६

For more information or to request a free Bible study, please write to:

WBP  
India Bible Literature  
67 Beracah Road  
Kilbark  
Madras 600 011

44K

SW Gujarat Maharashtra

MKE

189 Mawchi